

«Маңғыстау аудандық орталық ауруханасы» ШЖҚ МҚК

Бекітемін

«Маңғыстау аудандық орталық
ауруханасының» ШЖҚ МҚК директоры м.а



Казыбаев Б.Д

«27»

06 2023 ж.

«Маңғыстау аудандық орталық ауруханасы» ШЖҚ МҚК

Сыбайлас жемқорлыққа қарсы күрес саясаты

Шетпе, 2023 ж

Сыбайлас жемқорлыққа қарсы күрес саясаты

1. Сыбайлас жемқорлыққа қарсы күрес саясатын енгізудің мақсаттары мен міндеттері

1.1. Сыбайлас жемқорлыққа қарсы күрес саясаты Қазақстан Республикасының 2015 жылғы 18 қарашадағы №410-V ҚРЗ «Сыбайлас жемқорлыққа қарсы» іс-қимыл туралы Заңының ережелері мен әдістемелік нұсқаулықтарына сәйкес жасалынған. Осы сыбайлас жемқорлыққа қарсы күрес саясаты Кәсіпорынның қызметіндегі сыбайлас жемқорлықтың алдын алу және болдырмауға бағытталған «Маңғыстау аудандық орталық ауруханасының» ШЖҚ МҚК-ң (Әрі қарай- «МАОА» ШЖҚ МҚК) нормативтік құжаты болып табылады.

Сыбайлас жемқорлыққа қарсы саясат дегеніміз- сыбайлас жемқорлық қатерлерін азайтуға, сыбайлас жемқорлыққа қарсы мәдениетті қалыптастыруға, қоғамның Кәсіпорын қызметіне сенімділігін арттыруға бағытталған құқықтық, әкімшілік және ұйымдастыру шаралары.

«МАОА» ШЖҚ МҚК сыбайлас жемқорлыққа қарсы саясатты енгізудің негізгі мақсаттары:

- «МАОА» ШЖҚ МҚК сыбайлас жемқорлық әрекетке тартылу қаупін минимизациялау;
- «МАОА» ШЖҚ МҚК қызметкерлерінің лауазымдық қызметіне қарамастан сыбайлас жемқорлықты кез- келген формада және көріністе қабылдамау жайлы біртұтас түсінікті қалыптастыру;
- «МАОА» ШЖҚ МҚК қолданысындағы Қазақстан Республикасының сыбайлас жемқорлыққа қарсы күресу саласындағы заңдылықтың негізгі талаптарын жинақтау және түсіндіру.

- Қойылған мақсаттарға жету үшін «МАОА» ШЖҚ МҚК -да сыбайлас жемқорлыққа қарсы күрес саясатын енгізудің келесі міндеттері айқындалады:

- «МАОА» ШЖҚ МҚК сыбайлас жемқорлыққа қарсы күрес қызметінің негізгі принциптерінің бекітілуі;
- саясаттың қолдану аясын және оның әрекет ету шеңберіне ілігетін тұлғаларды анықтау;
- сыбайлас жемқорлыққа қарсы күрес саясатын жүзеге асыруға жауапты «МАОА» ШЖҚ МҚК лауазымды тұлғаларын анықтау;
- «МАОА» ШЖҚ МҚК жүзеге асыратын сыбайлас жемқорлыққа қарсы шаралар, стандарттар мен процедуралар тізбегін және оларды орындау тәртібін белгілеу;
- сыбайлас жемқорлыққа қарсы күрес саясаты талаптарын орындамағаны үшін «МАОА» ШЖҚ МҚК қызметкерлері жауапкершілігін айқындау.

2. «МАОА» ШЖҚ МҚК сыбайлас жемқорлыққа қарсы қызметінің негізгі принциптері

2.1. «МАОА» ШЖҚ МҚК сыбайлас жемқорлыққа қарсы күресу шаралар жүйесі келесі принциптерге негізделеді:

- 1) «МАОА» ШЖҚ МҚК сыбайлас жемқорлыққа қарсы саясатының қолданыстағы заңдылыққа және жалпы қабылданған нормаларға сәйкестік принципі:** жүзеге асырылып жатқан сыбайлас жемқорлыққа қарсы шаралардың Қазақстан Республикасы Конституциясына, Қазақстан Республикасының «Сыбайлас жемқорлыққа қарсы іс-қимыл туралы» Заңына және ҚР ДСМ-ң өзге де нормативті құқықтық актілерге сәйкестігі.
- 2) «МАОА» ШЖҚ МҚК басшысының өнеге көрсету принципі:** «МАОА» ШЖҚ МҚК басшылығы өз мінез-құлқы арқылы өнеге көрсете отырып, сыбайлас жемқорлықтың кез-келген формалары мен көріністеріне ымырасыз көзқарастың этикалық стандартын қалыптастыруы қажет.
- 3) «МАОА» ШЖҚ МҚК Дәрігерлік құрамы мен орта буын қызметкерлерді, кіші буын қызметкерлерді қатыстыру принципі:** сыбайлас жемқорлыққа қарсы стандарттар мен принциптерді қалыптастыру мен жүзеге асыруына лауазымдық қызметіне қарамастан Дәрігерлік құрамы мен орта буын қызметкерлерді, кіші буын қызметкерлерді - белсенді қатыстыру.
- 4) Нәдік төзімділік принципі:** «МАОА» ШЖҚ МҚК сыбайлас жемқорлықтың кез-келген формада және көріністе болдырмау.
- 5) Қауіптерді мерзімді бағалау принципі:** «МАОА» ШЖҚ МҚК мерзімді негізде аурухананың тұтастай және оның жекелеген құрылымдарының қызметіне тән сыбайлас жемқорлық қауіптерді анықтау және бағамдау жүргізіледі.
- 6) Ашықтық принципі:** «МАОА» ШЖҚ МҚК өткізіліп жатқан сыбайлас жемқорлыққа қарсы саясат жайлы бұқараны ақпараттандыру.
- 7) Жауапкершілік пен жазаны бұлтартпастығы принципі:** еңбек міндеттерін орындау барысында жемқорлық құқық бұзушылық жасаған «МАОА» ШЖҚ МҚК қызметкерлері үшін лауазымдық қызметіне, жұмыс өтіліне және өзге де жағдайларға қарамастан жазаның бұлтартпастығы; сыбайлас жемқорлыққа қарсы күрес саясатын жүзеге асырудағы басшылық жауапкершілігі.

3. Сыбайлас жемқорлыққа қарсы күрес саясатының жүзеге асырылуына жауапты

3.1 «МАОА» ШЖҚ МҚК сыбайлас жемқорлыққа қарсы күреске бағытталған барлық шараларды ұйымдастыруға жауапты тұлға «МАОА» ШЖҚ МҚК директорының бұйрығымен тағайындалады.

3.2. Сыбайлас жемқорлыққа қарсы күрес саясатын жүзеге асыруға жауапты тұлғаның негізгі міндеттері:

- «МАОА» ШЖҚ МҚК сыбайлас жемқорлыққа қарсы іс-әрекет мәселелері бойынша шешімдер қабылдау үшін ұсыныстар даярлау;

- «МАОА» ШЖҚ МҚК сыбайлас жемқорлықтың пайда болу қаупін туындататын себептер мен жағдайларды жоюға бағытталған ұсыныстар даярлау;

- сыбайлас жемқорлықты болдырмау бойынша шараларды жүзеге асыруға бағытталған нормативті актілер жобасын «МАОА» ШЖҚ МҚК директорының бекітуіне дайындау және ұсыну;
- «МАОА» ШЖҚ МҚК қызметкерлерінің сыбайлас жемқорлық құқық бұзушылықтарын анықтауға бағытталған шараларды өткізу;
- сыбайлас жемқорлық қауіптерін бағымдаудың өткізілуін ұйымдастыру;
- сыбайлас жемқорлыққа қарсы және алдын алу мәселелері бойынша оқу іс-шарасын ұйымдастыру;
- «МАОА» ШЖҚ МҚК қызметіне сыбайлас жемқорлықты болдырмау және оған қарсы тұру мәселелері бойынша қадағалаушы және құқық қорғау органдары уәкілетті өкілдердің инспекциялық тексеру жүргізген кезде көмек көрсету;
- сыбайлас жемқорлықтың алдын алу және оған қарсы тұру мәселелері бойынша ісшаралар ұйымдастыру;
- сыбайлас жемқорлыққа қарсы насихатты ұйымдастыруға қатысу;
- сыбайлас жемқорлыққа қарсы жұмыс нәтижелерін бағалау және тиісті есептік материалдарды даярлау.

4. Сыбайлас жемқорлыққа қарсы күрес және оны болдырмауға байланысты «МАОА» ШЖҚ МҚК қызметкерлерінің міндеттері.

Лауазымдық қызметі және «МАОА» ШЖҚ МҚК жұмыс өтіліне қарамастан барлық қызметкерлер өздерінің лауазымдық міндеттерін атқаруына байланысты міндетті:

- осы саясаттың ережелерін басшылыққа ала отырып, оның принциптері мен талаптарын қатаң сақтауға;
- сыбайлас жемқорлық құқық бұзушылықты жасауға немесе жасалуына қатысуға әзірлік ретінде деп басқалардың түсінуіне әкеліп соқтыратын мінез- құлықтан бас тарту.

5. Сыбайлас жемқорлыққа қарсы іс-шаралар.

5.1. Осы саясатқа қосымша ретінде «МАОА» ШЖҚ МҚК жыл сайын жауапты орындаушы мен орындалу мерзімдері көрсетілген сыбайлас жемқорлыққа қарсы іс-шаралар жоспары бекітіледі.

5.2. Сыбайлас жемқорлыққа қарсы мінез-құлық стандарттарын қызметкерлер арасында енгізу мақсатында «МАОА» ШЖҚ МҚК іскерлік қарым қатынас этикасына әсер етуші және қызметкердің этикалық саналы мінез-құлықты қалыптастыруға бағытталған қызметкердің мінез-құлықтың жалпы ережелері мен принциптері қабылданады. Осы мінез-құлықтың жалпы ережелері мен принциптері «МАОА» ШЖҚ МҚК директоры бекіткен қызметкерлерінің этика және қызметтік мінез-құлықтың кодексінде айкындалады.

5.3. Сыбайлас жемқорлық қатерлерін бағамдау сыбайлас жемқорлыққа қарсы күрес саясатының бір элементі болып табылады. «МАОА» ШЖҚ МҚК қызметіндегі нақты әрекеттерді анықтау сыбайлас жемқорлық қателіктерін бағамдаудың мақсаты болады. Осы әрекеттер жүзеге асқан кезде «МАОА» ШЖҚ МҚК қызметкерлерінің жеке пайда табу мақсатында жемқорлық құқық бұзушылық жасау мүмкіндігі арта түседі.

5.4. «МАОА» ШЖҚ МҚК жемқорлықтың алдын алу және оған қарсы тұру мәселелері бойынша қызметкерлерді оқыту келесі тақырыптар бойынша өткізілуі тиіс:

- жемқорлық құқық бұзушылық жасағаны үшін заңды жауапкершілік;

- жемқорлыққа қарсы тұру мәселелері және оларды «МАОА» ШЖҚ МҚК жұмысында қолданудың тәртібі бойынша заңдылық талаптары мен «МАОА» ШЖҚ МҚК ішкі құжаттарымен танысу;

- жемқорлықтың алдын алу және оған қарсы тұру мәселелері бойынша құқық қорғау органдарымен бірлесіп әрекеттену.

5.5. «МАОА» ШЖҚ МҚК жүзеге асырып отырған ішкі бақылау жемқорлық құқық бұзушылықтардың алдын алу мен анықтауға мүмкіндік береді. Осымен бірге «МАОА» ШЖҚ МҚК қызметінің нормативтік актілерінің ҚР ДСМ НҚА-ң талаптарына сәйкес келуін қамтамасыз ету секілді ішкі бақылау мен аудит жүйесінің міндеттерінің жүзеге асырылуы аса қызығушылық тудырады.

5.6. «МАОА» ШЖҚ МҚК серіктестерімен өзара әрекеттесу кезінде «МАОА» ШЖҚ МҚК қабылданған қызмет жүргізудің сыбайлас жемқорлыққа қарсы стандарттары туралы хабардар етеді. Сонымен қатар жемқорлыққа қарсы стандарттарды сақтау жайлы белгілі ережелердің келісім- шарттарға енгізілуі мүмкін. «МАОА» ШЖҚ МҚК іскерлік қарым- қатынасты ашық, адал түрде жүргізетін, өз беделіне мән беретін, бизнес жүргізу кезінде жоғары этикалық стандарттарды қолдау үлгісін көрсететін, жемқорлыққа қарсы өз шараларын жүзеге асыратын, ұжымдық жемқорлыққа қарсы бастамаларға қатысатын серіктестермен іскерлік қатынастар орнатып, оларды сақтап қалуға ұмтылады.

5.7. «МАОА» ШЖҚ МҚК бұқараны жемқорлыққа қарсы шаралардың енгізілу деңгейі және оларды жүзеге асыру жетістіктері жайлы хабардар етіп отырады, соның ішінде тиісті ақпаратты интернет желісіндегі ресми сайтқа орналастыру арқылы.

6. Сыбайлас жемқорлыққа қарсы күрес саясаты талаптарын орындамағаны үшін жауапкершілік

6.1. «МАОА» ШЖҚ МҚК және оның барлық қызметкерлері Қазақстан Республикасының қолданыстағы жемқорлыққа қарсы заңдылық нормаларын сақтауы тиіс.

6.2. Қазақстан Республикасының қолданыстағы заңдылығымен қарастырылған осы саясаттың принциптері мен талаптарын орындауға «МАОА» ШЖҚ МҚК барлық қызметкерлері жауапты.

6.3. Осы саясат талаптарының бұзылуына кінәлі тұлғалар тәртіптік, әкімшілік, азаматтық- құқықтық және қылмыстық жауапкершілікке тартылуы мүмкін.